

漸西村人初集

敘

句不入律故多支離其詞意不求工無傷連狝之製腐木  
涇鼓鼠肝蟲臂既乏精思第強操筆姑溪集隘端叔未必  
發坡公之禪落木庵空徐波或許挂蒙叟之詠故知不煩  
繩削惟數夔州後詩風致超然雅重渭南一老涪皤有真  
解晦翁非妄歎走既未窺丹訣要亦虛費墨工雖多奚尙  
自卜頗審閒縛漆園吏之寓言次及抱朴子之自敘蓋謂  
沈洋適志惟取窮年身非汝有第爲委蛻縱出卮言祇同  
朽贅况乃大塊稟我以尋常之短羽造物假我以至驚之  
蹇足那復慕冲天之舉追飛兔之軌晚悔少作多不稱意

天才分定未必加增直所覽差廣稍能別擇妍媸耳每省  
斯言輒思焚硯一酌之酒去古人九醞之醇亦以遠矣然  
猶閉言送日炊嫗可解庸音足曲蹇淺自娛譬諸舂者相  
歌和秋蟲之吟砌牧童晚籟答疏鐘之度澗無意飯牛之  
韻甯辨害馬之指殆作剝啄門籍米鹽日記觀可耳魏疎  
處士乏籠紗之句犁眉老人署覆瓿之編雌黃雜下聽客  
所爲殺青寫定非僕能預逍遙於陸沈之署食息於衡氣  
之機糊孫入布袋笑這回定送頭皮蚊子上缺牛於本分  
全沒交涉聊書里語以當引喞光緒庚寅長夏六日雨中  
芳郭鈍窵湯題卷端

集中厲言或時有之妄語則力戒芟除未敢出也但恨多  
謬誤君當恕醉人後有覽者無以爲異甲午冬又識

漸西村人初集

詩一

詠蚶

新步

曉發

客游憶山中

陌上

春行湖隄上

贈周葆昌

聖音寺 行宮前銅鹿行

上冢作詩呈諸逖兄并示弟姪

王大令

錫桐

招同溪上泛舟

酒後書桐君祠西壁

登吳山

輓沈縣丞

瑜

上布政使湘鄉楊公

送同舍生黃元同

以周

歸定海時省試報罷

正月十六日遊虎邱

海上贈凌霞

寄懷莫丈

友芝

黃浦江與友人別

北游詩五章

贈朱亮生

采

與同年譚仲修劉子彝真酒天甯寺

夜飲

大沽口

火輪船行

大沽口南北岸礮臺行

贈龔生記異

附錄一卷

溪上

七里瀨

東陽

西施曲

茅坪

留題胡氏樂志園

新會寺

荒村

會稽



山寺

上烏石灘

山水暴漲上郡守丁頤伯侍御

壽昌

壽昌縣

新城港口弔袁離谷秀才

感厲雜題

苦熱行

西湖雜詩

游靈隱次日作詩記之

飛來峯一綫天

漸西村人初集

詩一

詠蚶

蒼味十月枯晨爨然越竹觥觥蟹已殘  
芻芻酒初熟食單  
謀杼人染指讐介族有蟲諡稱蝸適口味抗鮓貢弛明州

苛孔殲

形譎服翼禿

說文云老服翼所化

螺房擁寶髻盒像羅金粟

離離瓦鬪楞澗澗瓊擘肉閉唇雷怒號剝殼雨新沐金沙  
堆鱗鞞玉柱藏瑟縮錫之紫暉階化同黃雀速刊以蘊盈  
扶調以酒一斛魁陸雅登諸專車箋亦夙海月拾奚殊石  
華采匪獨螻蠻排十稜蚌甲減半屋無嫌犀筋鬢瞥見銅

种簇蜺羹卻少顏，  
蜚醢甯見錄紋斜。  
外離奇理正中腠，  
胸橙香佐三嗅螯。  
巨賤滿掬鑿髓繡，  
圍欄剖腔霜列鏃。  
何煩密罟施何假，  
嚴戈逐輕紅荔凝。  
脂編貝珠吐目，  
諏之養生家或云補心。  
蚵黃生姹女芽涼沁，  
彭尸伏鹵種何田田。  
春盤常漉漉，宜隨蛤梨澆。  
米許鷓喙啄露蠅，  
難比倫寒鼈亦可惡。  
南食例成詩，惠文誰肖服。  
北人不解煮，勸學恐誤讀。  
但敕辦椒馨，漫嘲無麥麴。  
君看詠蚶篇，強均恣往復。

此丙寅冬湖上精舍落成閒課少宰泰興吳公所命題也。限擬孟韓連句詩成殊蒙激賞。今公墓艸已宿矣。追錄存之，不覺泫然。同治十一年長夏客竹西記。

新步 丁卯

洞霧溼如雨山桃紅見花別來曾釣石漲出一弓沙

曉發

漠漠一江雲風吹如擘絮漸聞篙石喧稍辨青林曙推篷  
迴望白雲飛須臾復度前山去

客游憶山中

君在東臺朝日暎妾住西臺時已昏君家開門蝮獻果妾  
家插棘憎王孫  
安樂塔前青徧楊西溪中有雙鴛央驚風弱蔓栖不定飛  
上平頭奴子箱

瓜蔓水生鱗魚來紫薑綠笋佐新醅武林鄉味不易致喚  
取江船幾日迴

陌上

陌上雉朝雊城南烏夜啼併入朱絲裏消息斷金闈

春行湖隄上

春行湖隄上隄上積芳草宛轉雙翠虹卻向孤山抱  
濯濯前夜雨絲絲今日風垂楊弄薄霧著衣何濛濛

贈周葆昌

周生意氣如劇孟落拓狂歌不知病途窮閱盡世閒人髮  
禿慚看闔裏鏡馬座來從潁水陰知交日散千黃金緣情

筆札頗橫逸結客屠簫相與尋危城羽書急飛矢士面如  
灰鼓聲死滿營都統賜冠帶趣劾哭秦書一紙君本名家  
子挽弓仍習騎一朝青犢千羣至圍城久飢城不支如何  
熊僚失微介翻令蔡女賤流離乏熊僚之微介兮慮我脫  
生之殲夷見漢崔篆賦  
身歸來足穿屨摧殘那復支門戶長劍空持刈旅葵海圖  
散放汗寒具三刀益州無復夢一箭聊城嗟已暮徒言大  
澤牧牛羊未有宿糧謀雁鷺少日豪華轉眼過青絲陌上  
鞞明駝今成戚里無依倚歸徒壁立市人訶偶然載酒來  
相問爲作城西俠少歌

聖音寺 行宮前銅鹿行

古稀天子六省方帳殿金扉照水黃當年故物獨銅鹿口

銜芝菌望幸長與二仙禽列爲四舊存其一今亡矣玉獅

盜去田彭郎承露金仙爲墮淚眼見陽和八八春嘉慶己未宮

中時憲書猶稱乾隆六十四年惟內廷臣工乃預放賜鑄始乾隆金幾斤更溯

景陵遺老盡上方龍象空煙雲摧牙落角苔花綠亂領妖  
耍應怒觸時來被錦孤山陽亂定溷泥湖水曲枯枝猶訝  
長生牌野鼠啼向荒壇荜名藍一炬守吏去賸有殘僧拾  
墮柴文瀾閣圮梁空在書付秦灰誰續採

睿思親解塵角諉文物當年盛淵海宮前野翁曝背言今  
是乾隆幾葉孫

先皇不寶四白鹿再拜溪毛薦水溫

上冢作詩呈諸從兄並示弟姪

惻惻葉辭樹湛湛水回波亂離不忍溯蕪沒故園阿負土  
成宰壟烏口亦以瘖戴山松栝長歲月一何多吞聲無家  
別遑問礪中藹

又

我 祖復初公鑿楹書萬軸庭誥如官衙恤鄰共年穀

俞培

庵先生贈王父詩云君獨守世範庭內如官衙待人春風溫誠子秋實肅生晚未

逮事家故諸父熟書隨劫火然諸父亦陵谷相與寶遺箴  
慶餘勤抱樸清德慎勿忘儆予倆初服



又

辛壬邑被兵癸甲家毀難陰陽寇莫大水火蹈幾爛痛絕  
不欲言寒泉助淒惋先公有遺訓學禮乃質榦結交宜  
老蒼經心肉鼎貫釜入而卮出斂約要勿畔深戒挾策嬰  
面背宵徹汗修學功在勤積慝冀一這灑淚崇山阿澗毛  
今復巒

又

木有名交讓喬柯晚逾警行飛與跪乳動物亦精靈綿綿  
守庭誥亂定俱蠶丁飢驅各有務勞生感漂萍相與敦墓  
祭菲薄捧土鋤詩人懷明發急難喻脊令繼別雖有殊風

規期相俦

王大令

錫桐

招同溪上泛舟

山水方滋酒舫同，勸耕環立有村童。  
洞寒服翼千年雨，溪散春鉏一棹風。  
垂釣坐忘青箬裏，意行遙指翠微通。  
受書我欲金門去，挂席相要茂宰同。

答王令君書

附錄

昔瓠巴鼓瑟感伏櫪，而沈思秦青振謳過行雲而直。  
上微霜蘼而巨鐘應遠壑，嘯而隆墀盈雖在末技庶。  
無乖於正南願奏卒章以上薄夫正始乃者岸幘密。  
坐靈襟博攄道詢牧子虛，陳害馬之箴目笑朱泚第。

抱屠龍之癖春餘夏始草木被潭旣追休讌復滋詠  
思犯詩人胡顏之譏有予勝斐然之意蒼波九折灘  
聲轉雷危石千尋山罅縈黛釣壇霞起而西峙桐君  
鸞驂而東鶩卧理不事榮觀超然涿令行春之暇郭  
生維舟之懷尸而祝之古猶今也策牛車入縣門者  
舍賤子其誰哉拙藻十章謹遺簡餘慚隨悚并詩十  
首仿  
楊處道送辭播  
州體久失之

酒後書桐君祠西壁

百丈危厓寺枕流如覺出沒瞰千舟  
路人未作蘇門嘯猶有碧鸞栖上頭

巧避松根添曲徑環依塔影作禪房  
頽垣俄化成金碧劫火今重見道場

採藥仙翁去不還猶留藥錄在人閒  
夜分一道澄江月瞥見洞門遲上關

寺後萬竹淨暉暉城郭人民嗟已非  
惟有鞋紅嬌阿醋一

株斜出石欄圍

亂後存安石榴一株猶承平時物

### 登吳山

江湖左右樂無有坐約浮嵐浴翠來  
高倚晴空一柱觀遠餐雲氣八風臺  
靈胥不盡驚濤恨逋寇俄消猛炭灰  
欲訪竹皮冠道士丹成隻履印蒼苔

輓沈縣丞瑜

泚緝技雖織器或投時利嗟君抱雋才未得一命試卑駟  
降倨髡應閒事外致方今款重譯議欲張五餌燭武精未  
亡政堪供策使有口若懸河無階可投擊游好忽經年甚  
槩閒同戲蟲臂俄看化石火真若寄翩翩記室牘戢戢猶  
滿笥朽孰千金買貧無一椽芘作詩告其鄰庶垂脫驂義

上布政使湘鄉楊公

沖翮儀赤霄衡雲洒餘絢快攜巨轄來歷欲制河徧昔佐  
湘陰節練衣穿未綻批答軍中書朗若巖下電龍鬪夷鄭  
氛鳴飛靖宋變野靜消烽燭川寒明組練稍散耕收訾裁

聞緝穀賤疏柳貫魚械械林巢燕大州初百戶步障陰  
芳甸下縣始十丁桑麻繡墳衍田翁昨見招今年炊玉簫  
啄稻黃雞肥奉饗白酒澱縣令罷追呼心知台司善盍來  
醉瓦盆起舞輕欲旋杜甫美嚴公泥飲雜謠諺公來吳越  
穰歲計知眾忭媿非王褒才宣布三詩擅徒仰喬木陰憩  
予荒谷跼

送同舍生黃元同 以周 歸定海時省試報罷

鏗鏗楊子行精舍談經客 謂楊孝廉 君從海上來幾斂元

日席抱瑟不諧時對策常逾格里耳笑折楊腐芥咪虎魄  
蹇剝匪人爲返我純懿宅譬如空中花何能媚虛白清尊

幾日同驪歌澹將夕何以慰索居念來通簡尺

又

論事常病粗析理常病迂解故失之碎尊心又多誣護朽  
黨枯竹人人自言嫖誰爲闕市平融貫無纒拘大哉四明  
學汲纒資先傳深甯與東發康莊絕歧趨合經誼治事實  
大華亦蓼冥冥背時利穰穰解飢飭晞輓鮪埼後復得靜  
耆徒

又

弱植違庭趨章句久蕪廢勦稜今乍聞滯義前多悔說易  
十翼尊不惑九師碎禮家平聚訟齊斧伐茅茨君如識時

竇秋斂春可貸執經欲相追心源資一概從之寂寞濱晚  
學發深慨

正月十六日游虎邱

戊辰

吳山多肉而少骨斯邱聊作層巒觀我來正逢早春節殘  
雪在地凌兢寒道旁花枝偶一笑媯如姑射衣帶單山椒  
何處動清磬道人晚課經卷殘何年胡僧憤聖諦緇白干  
屐留虛壇項楚淮張皆電滅陵谷幾變徒浩歎君看劒池  
石壁上題名虵蚓半已漫將母上有兩何迹充隱曾此積  
巾冠

梁何求及從弟允俱隱此山見處士傳

樓觀盡入兵火劫瓊榻猶博落

衣剗小儒金椎倘發冢薶劒定出魚腸斑超然但愛清遠



句雲翥欲出松團團

海上贈凌

霞

古井門前水汲多猶未渾  
躡躑來照影薜蘿喜逢人  
蜀肆百錢卜林宗一角巾  
看君用幽意閱世陌頭塵

寄懷莫丈

友芝

疇人下西徼於時老學林  
昨歲飭東城餽我無窮心  
去之禹穴游再宿茅山陰  
手摹石室古足躡玉笥深  
糧盡疑楚躡火迫效會吟

丁卯秋先生至杭州寓東城講舍九月渡江謁禹陵

往來吳越問客

星不可尋進則恥苟祿退殊甘  
陸沈相俟闕書局殘籍資

君縉

湘鄉公屬丈宋訪三閣遺書

祕閣有劫火羽陵無留蟬  
門攤與市

集得不異碎金君如波斯胡老眼撥翳露佳本往往致古

刻朝朝臨

新得梁石  
搨數事

朱鈐影山堂豪奪者頗歆麗讀終難

祕傳鈔方自今耆好良非俗風期夙所欽一卷邵亭詩萬  
古浯溪音泠泠寫佳趣落落湔塵襟何以慰相思海山望  
蕭穆

黃浦江與友人別

大江街落日千里怒潮生夕上樓船穩朝喧爆竹晴火林  
明蜃市夷俗接羊城笑我無邊略支離賦遠征

北游詩五章

早無捧檄懼遠出常懷然昨登賈胡舶浪逐計吏篋滄海

日月白神皋車馬填

皇居氣色麗層城歌吹喧孫卿始適郢樂生乍游燕仰慙  
先民質俯乖末俗妍

辰星主外夷漠氣如層闕王公有天險尉候無私謁宅中

倚名山佳氣暖皇都增城環滌水平野入青蕪甘泉列夷

邸時夷館縱橫布列前法宮受計更絕域致蒲桃炎洲徠

孔翠跋牂爾何物乃牧太山側此輩少爲貴爲戎恐蕃殖

不聞貴者歎但見賤者憂崎士夫何言寂漠焉所求

金山東西林

國語山曰阿林與安嶺我之東鏤山三千區

鑿中國之利毒天下有餘鹽鐵古有論冶官職常輸昨來

析津口官船敗沙淤估胡造大舶雖若黃金塗彼挾有利  
器豈我武庫無動警管商者拘督何其愚

亭林疏布士其氣雄萬夫當其十三陵杜鵑拜何劬每慕  
文淵牧曠莽林野娛昏谷量牛羊世事百不如名恥登薦  
牘迹則淹神都晚息華陰機茲亦栖精廬遺迹城西寺濁

醪薦雙壺溪毛懷近躅泠泠何與朱

慈仁寺願  
先生祠堂

南州春已闌北平春方始妍妍杏花繁吐秀殊可喜黃沙  
白雪中對之光蕤蕤西山向我笑粲然有心理館宇非一  
區烟嵐疑暮紫願結公超廬巖陰或成市

贈朱亮生 宋

長安一雨洗車塵三條陌上滯行人風吹歌管家家玉花  
灑紅樓樹樹春獨有儒宮散秩賤時充官學教習久客誰能鬢不  
變人言九事八爲律張目君空爛巖電勿嫌世議坐相侵  
且仗心兵持不戰我勞行役手時輟子抱匡時淚如霰上  
書試伏日華門起草會直明光殿

與同年譚仲修劉子彝真酒天甯寺

夜談戒春游粲爛燭花紅朝來埋輕策浩蕩郊原蔥出郭  
一牛鳴意冥塵市空詰曲入寺門稍循萬竹叢藏山忽蕭  
曠勃窣疏林中石床落髮合微徑蠶房通塔光媚洩雲時  
漏日腳紅三月猶薄寒春氣來蓬蓬偶聞定中磬醉卧松

下風日入未須返短歌意何窮

夜飲

暫破塵中笑聊分席上甘歌喉催醉訪舞袖屬何哉瞥過  
春如夢應須酒是耽蕭蕭簾外雨香霧坐花南

時春明  
報罷

大沽口

天闕排雲未可通歸來垂翅逐冥鴻莫嫌荒戍無東道喜  
送輕舟有北風

神堯一旅宅神州東楚蟬嫣揚水流日暮飢鳥栖戰壘行  
人迴首望碣樓

是日觀南  
北岸砲臺

火輪船行

詩一

十一

避舍蓋  
公堂

夸之操舟虵行若神刻海西木豨突通津伐材息力冶金  
大秦堅取多節匠惟輪人廣厥裕器師畢陳毒龍鼓鞀  
腥風運斤祇精夜叫巧歷朝呻激謫虹洞邪許雷震齋十  
梓慶械百公輸一旦成之身橫海嶼馬銜右負天吳前驅  
銳首大腹樓觀莫踰尾如修鯨漆髹金塗樓觀伊何迴梯  
螺旋洞窗沈沈入地出天突者如阜呀者如淵蜂肆蠓宮  
吁可怪焉蠓宮伊何火齊空青斲孔開鍵門牡飛鳴增臺  
偃月刻漏奔星俛眎海水瀾汗窈冥指南之鍼記里之鼓  
管分甲癸矩程立卧大突不黔枝撐火柱旁綴罽恩炎烟  
絕吐下列機春風輪激怒衙衙汽弩金鏡相鑿翠之若抽

首下尻高崑崙百輩其捷如猱水盪火射兔落蟻號焚膏  
爍石撝汗成圍內火出火生機殺機天池晝涸枉矢宵飛  
鱗鱗介慄海氣森霏羊胛未熟五百由延朝拂陽谷夕杙  
虞泉左言侮食高嚼蠻犴恃其利器自以無前書生覘敵  
長技三五師葉爲舟餘巧求野昔敗纍疑今收三戶彼墉  
有隼盍其禦侮

大沽口南北岸礮臺行

臺築於咸豐八年科爾沁僧忠親王成之北鉗沽東  
枕海形勢殊壯軒城突門孔道突帳蘭石虎落方色  
與兵樓櫓之屬各有法度形勢屹然國之東門也



咸豐八年秋月蝕析木辰海水忽飛溢麟鬪困採薪

聖謨念安邊簡任在柿埒賢王如策凌抗材諾顏部詔移  
火器千精手皆索倫亦有綠旗制甲仗如蠶屯直沽道幾  
何相距如犄角絡繹陣雲生蕭條血雨燦旛爲發石車說  
始賈侍中佛夸始作俑後臆鑄用銅築臺堅且利繚以大  
裨海敵鯨思猛士犬羊誓蕘醢金城此百仞穿穴如鬼工  
官錢少府竭木石西山空兩臺如列牙對峙沽南北赫赫  
捩天關森森迴地軸北如箕哆口太陰負土囊南如伏於  
菟呀豁洞幽陽上建大將蠶下排鍊蒺藜豈知不拔勢響  
若波潰隄夷氣如穹閭又如大幡船城摧九距械陸坵三

重淵朝聞築長城夕開墮長城卷甲委之去內訌如沸羹  
聖皇今御極陽惠貫三五仁誼爲鈞強明荆及幽羽王功  
在冊府軍政修成規再拜墜形志一爲

廟算資

贈龔生記異

詖蕩名家子胡爲窮海邊予稀塞上窅近識龔生賢寶鼎  
出層水初陽生曙天欲招朱鷺下含意豈無弦

詩一

三

避舍蓋  
公堂

漸西村人初集

附錄一卷

溪上以下改存少作

綠沙白石時見底水荇帶映溪毛肥十村九瀨水激激以  
水沃碓無停機郭文石室在何許自文之去虎亦飢徵君  
釣壇去瀨近下有盤石不可磯紫溪赤瀨鄜元說今之兩

臺荒是非

据水經注嚴陵釣壇當在桐廬至於潛十六湖中之第二瀨顧野王輿地記始以爲在東陽江

下二說不同

天目蒼蒼垂兩乳望之天半開森霏巖排峽東巧

迴沓中有一水流瀾瀾厓光一綫天宇仄忽曠沙際迴情  
暉湫龍戲就石上菴山鳥怯向潭心飛厓東有屋誰所營

惘然非人沐方晞人生胡不早作計從之刷藥癩百痂

七里瀨

泊舟青楓林訪道丹嶂碣峽東一水怒雲綻兩厓缺崩圻  
屢紆迴穹谷異涼熱花開太上春石戴堯年雪松靠仙壇  
花泉竅乳穴咽道逢元真子授我真觀訣豈無干祿心恐  
妨衛生拙山木有枯榮溪雲亦生滅還當泛宅去徑與人  
寰別元真子張志和東陽人明經擢第待詔著作貶南海尉不赴遂棄去浮游江湖著書三萬言東陽鄰州意  
此瀨張子往會稽吳興必時經過上下矣

東陽

咸豐八年秋侍家君來游題名

東陽以曲勝山容靜而嫵石滌壁分流松子落礧石紆折

稍成邱蕭寥誰葺宇

獨秀峯下趙氏有別業一區

溪多二寸魚瘦不供

膾縷嚴情憚佳辰游屐今始果  
褰攜二三子散朗樵牧伍  
虛深狀非一喧寂情各取探奇若有適  
捫壁聊可俯一酌  
溪泉甘再酌沈疴愈倘卜此窮年卽是開山祖

西施曲

溪橋楊柳百尺條落絮旋作浮萍飄萍隨水去無消息  
溪女如花淚沾臆昨來寂寞今榮華曲讌長洲錦障遮歌舞  
未終吳殿破濁泥芳草玉鉤斜何如養色含津氣椎髻溪  
頭長浣紗

附考

墨子親土篇云西施之沈其美也唐人詩惆悵闔閭  
門外水濁泥猶得葬西施此說差爲得實杜司勳所  
云一垓逐鴟夷者垓從車葬也荆公詩遙聽下阪垓  
正用葬車意疑後人誤改作舸杜詩第謂殉君之意  
追逐伍大夫盛以鴟夷葬之江魚之腹耳非指鴟夷  
子皮也語兒鄉留頓三年之謬說出陸廣微吳地記前人已  
有辨之者史記越世家附述范蠡始末略及其妻子  
楚獄事無此野言自當引墨子書爲證

茅坪

夜宿白雲源朝登白雲嶺山下芋田已足蒙山中樵客多

生癭元英居士不歸來谷汲林衣疎造請機春水際亦忘  
機礪戶無人風自打

留題胡氏樂志園

危亭支碧仄仙竈隔紅塵檐竹春喧鵲溪花晚照人果園  
誰氏好酒戶此中真不識仲長子何論入帝門

新會寺

寺有泉甚甘宋禮部侍郎方公慤刻記石上

避寇不十里山椒寺已昏秋生赤華舍日落長松根別派  
非新學窮源待細論卻愁烽火迫寄食亦無村

荒村三首

十聚九空林春山唬恠禽曠無人爨汲日畏氣蕭森

饞虎窺籬入飢烏啄食貪朝來兵氣至愁霧欲沈嵐

狂寇誰能破柯山頓楚師望應穿父老遲未睹官儀

時左中丞

剽浙之師  
久次衢州

會稽

時陷賊中

危埤寒日倚崢嶸滿地烽煙旅客驚芒屨星餐尋禹穴南  
冠雪涕望堯城若邪溪涸劍雙去射的山空蟬一鳴何限  
無家感此別六千君子壘縱橫

山寺

在晦村西崦

何處訪招提林表見積塔疎磬煙乍沈荒橋竹方合盡日  
不逢人行歌山響答壇松暝無風簷栖馴有鷓僧支折足



鑑西澗淨可汲山中虵虎多居此今幾臘亦復有賓主煮  
茶聲颯颯

上烏石灘

何年鑿此險水石兩相鑿石似翻鷲落湍兼風怒號黃牛  
春峽怯白馬秋濤豪長年賽神去行子上渾勞遙望墟煙  
起還沽玉色醪

山水暴漲上郡守丁頤伯侍御

壽昌

龍山夜沈尖露墮潰壑無舟雲四合蒼水使者乘怒潮急  
雨翻盆風颯颯江漲一夜三丈強白龜如山驕蹴踏大屋  
騎危面似灰小航屨屐人畜雜須臾日出熱氣蒸病者重

隄採羸蛤淮陰賢將工勒移縛鱷如羊三日期大呼蒿工  
集南市未遣漂沒波中兒柱後惠文詢疾苦傳檄江神莫  
公悔

壽昌縣

坵岸疑無路迴溪忽有天荒墟出蒙密復激沂回沿昨泛  
孤槎入時逢百丈牽傾厓藤絡樹暗礪竹奔泉野市看縣  
獺深林獨聽鵲夜聲寒類豹朝氣白于煙展障雅又倚燒  
畚虎落編居民今幾戶斗米直千錢倦客行復去此鄉誰  
最賢翁洮隱何許枯木到今傳

新城港口弔袁離谷秀才

君詩有云  
羸塔卧斜  
易時人  
得為圭司

積塔斜陽句天機妙更新吾宗傳早秀中歲厄飢貧未結

夔蛇契空憑譚

仲修子鼎明經蔡秀才

論煙濤倚漂泊巖壑寫風神

一髮鳥爭路十圍松絕壘羅橫才不儉章碣宅將壓卧柳  
妨船腹垂蘿陟島澹權奇知使氣洲渚尙生鱗醜酒爾投  
越乘洊余辟秦荒年珠糴米陷虜鬼輸薪祿相無三甲春  
杵薦五辛蘼蕪山下徧行迹未應陳

感厲雜題

以下丙寅年

增冰非一寒鑠石非一暑日月無停輪龍蛇生于野浮雲  
西北馳瀉水東南下器車不生山祥金不躍冶至言闕撞  
鐘俗論紛注瓦小人善抵巇君子常安雅咄彼日遊神工

騎火馳馬示人杜德機客亦胡爲者

赭嶽有悴木驚湍無擔漚食息將焉託鬢毛颯已秋黃鵠  
不得食凡鳥競養羞古來礫落土拙爲一身謀

口以五味爽目以五色膏市易島索聚積氣金銀空地亦  
有盡藏杼柚困大東亂定俗益侈豪奢競雷同野容炫於  
市孝養缺于宮久不聞直指整俗砭頑聾勿笑齊晏子禿  
裘矯積風勿陋宋墨翟採時相爲庸

螻蜋欲承蜩雀乃睨其旁王孫挾金彈不畏露溼裳虞人  
諄先發逐利害則忘不庭三月久同殉兩情傷盈者遭鬼  
瞰虛者晞神藏泊然遠聲利勿處錐刀場

知瑤圍管暢志驕行決渠漁者遮說之識微效其愚闇主  
策不用勢成自罾置人以君爲餌君以人爲魚餌弱而魚  
強吞舟將何如危哉驂乘謀殺機不留餘忠言反獲罪曙  
戒乃見疎

仲夏初入霽古之伐蛟期礮石氣蒸暝疾雷破塵屨元雲  
上冲天草木毒流滌吟如蟬悶掌誰能辨其微今年蛟水  
大萬室隨魚鬚山田耕少力野豕隳垣籬公家發籽種吏  
復乾沒之萬物人之盜猶可毆除爲吏還爲民盜民困無  
窮期

蒸山雲爲紅吹劍氣爲白蚩尤曳寒空浮浮盪精魄巨寇

誰驅除馮昏幾藏疾不知何鄉樂不知何土適荃化已爲  
茅枳變非復橘險夷無可揀骨肉長相失倚楹羨涼州秦  
血乃沒邾頻年人食人蕭條千里畢荒榛滿故墟旅葵誰  
當擷痛定還思痛悲風何慄慄

此追述庚申至癸亥四年  
中亂離家破州殘之狀

乾嘉全盛日僞風被鄒魯辨固校文繁祕閣遺書聚大則  
金石搜細猶蝨魚注賢哉劉諸城不欲開四庫謂非當務  
急蓋守高曾矩名相當國言意與金壇悟是時海禁開銜  
轡柔窳窳地大獲牙生貞風馴害蠹文盛吏術衰朴散材  
器竄忌諱民彌貧臣妾相媚嫵勿恥言農戰文儒競纂組  
自來積陵夷虛談每廢務元邇在唐熙朝多德人悞直言

旌樸忠良吏師往古孱夷不窺邊邊民得安處煌煌五體  
碑震鷲泥不楮

苦熱行 上義庭兄

竊烘六合火地濁赤龍崢嶸誰拔角又聞炎洲之草木化  
作千億光明燭吾兄昨示苦熱行比年憂憤何當平象郡  
削天火并聚虺毒潛吹起旁午奔逃將吏莫敢訶燎原之  
災由一縷愁衝沙蝨墮長空安得將軍大黃弩射烏赤嘴  
落湯池冷風來蘇子遺戶南村北村廢耕作荒田草宅淚  
如雨元蜂若壺螫飢瘵相呼成羣東南飛鑠流金石血原  
野至今故里鄰人稀昨者雨師傾天瓢一洗炎歊滌千里

頭風復愈眼無花赤阪遺民偶不死凶年兵後復酸心相  
保何時免毒霑兄獨儵然耕谷口白雲源裏飯牛深祇期  
伏日茅柴酒沮溺同耕勸復耕

西湖雜詩

時居孤山下  
詰經精舍

賸有清暉在湖山浩劫驚遺民緬汪泯曾此養殘生牽陸  
舟未穩銜山月自明諸生精舍芑突兀屋初成

已燬錢王廟空懷衣錦軍中原礪無水偏霸鬱興雲始倚  
波濤阻終看朝請勤餘花陌上發游女尙羅裙

紈扇持障面船窗差隱身蘋花騷客薦菱葉浣娃顰青鳥  
來銜札紅巾去被塵盈盈一水際晚見遠山皴

此有所屬



質休名畫在草長石幢深十地應真壯幾年山雨侵荒池  
朝出霧壤閣暝歸禽偶見一螢度翻疑佛火深

北山多釣叟四壁掛蓑衣山氣壓茅屋水光搖翠微渚芹  
牙已白山檠葉初稀我是無田者江干漫說歸

淮僧葛嶺下

植龕上人自維揚至備仲修訪之又印  
月朝天台回戒行精嚴欲訪其人已去前日

叩荆扉稍稍白露下  
鬢鬢黃柳稀精梵三車問香餐一鉢  
飢喜尋方外友予髮待明晞

飛雨捲湖至橫空白氣來湖心俄失閣石罅忽驚雷倚檻  
裁炊許披襟實快哉雲收待夕霽更上初陽臺

宗淨諸天異承平列刹深劫灰無住著隨分作登臨翻得

真實相自存山水音眼空除翳障伐棘出遙岑

壞塔南山椒俗云神物憑無梯阻游展有樹蔓寒藤下憇  
胡僧坐宵深見塔鐙異花西域至上覆乳巢鷹

日盪雲成水湖明艇接天興來成獨往佳處輒參禪社鼓  
村村臘叢梅樹樹仙遙看茅一把葛嶺起孤煙

名山近城少喧處得佳觀洞有煙霞古泉無沙礫寒繚隄  
虹幾曲窄徑石千盤形勝餘杭麓題名壁屢漫

菱花秋已半愁絕采菱人蕩子江南去與花相見親人行  
遊鷺羽花落覆魚鱗持贈江南客迴船一愴神

游靈隱次日作詩記之

少耽名山游欲乘龍蹻去昨游靈鷲嶺異狀難名數日行  
闔浮嵐氣殷綠蘿上覆雲根屨洞中瘖虎伏不動洞外老  
蘚綠梯斑世上炎歊峽中冷寒碧一勺牙生鋌峯峯石壁  
面勢異大似伊闕雕屨顏梁穿唐鑿不暇詰鬼工神斧搜

天關辟支弟子已偉絕況有七佛難躋攀

據蒲說友臨安志理公巖石佛

像梁後唐前已有之不自元僧始

韜光苦縣篇第幾

河上公注老以第七篇爲韜光縹緲

溼翠浮雲閒餘杭之勝天目最靈岷奔渟此山會絕頂傳  
聞宵見日海門遙望濤如帶匆匆興盡未果游徑壞奔泉  
鳴石瀨山僧劫後梵筵空惟有危樓卧古鐘事往何人留  
鏤壁時清無鉢可降龍逃空早晚重來此待取秋山霜葉

紅

飛來峯一綫天

南戒何緣覓祖峯山岫潛移天不動毗沙夜半斲龍耳擲  
下西方一壘空我行逢秋日林赤霜垂竇胡僧何年卜居  
此天扉微開一縷出削崖仰刮青頗黎佛光瞥見還易失  
奇石粗沙足下生巖腹疑有山靈撐山囚鍊鑠木石精風  
出空穴時一鳴坤乾雷硯剗復成千年崩石藤爲纏赤箭  
青芝不可名緩呼游人各自磨腰松往往蓋一畝老父夜  
輕青羊行日欲落兮山躡合天光佛髻交冥冥

漸西村人初集

詩二

精舍夜坐效柳儀曹

擬豔歌

效孟東野

書寶山蔣劔人集後

聽同年生錢蔚也彈天問之操

鄧完白山人石交圖

登西林寺塔

陸士衡故宅

發雲間晚泊宕口

訪虛谷上人不值

游南園獨酌菊花下至暮始歸精舍

南匯沈氏女殉難詩

題吳郡王節母家戒後

送高伯平先生遊淮上

讀袁康沙船歎歌以贈之

偶述

王文永錫桐江舊隱圖

鹿溪張節母古井盟心圖

滬上竹枝詞

目錄

二

避舍蓋  
公堂

漸西村人初集

詩二

精舍夜坐效柳儀曹

戊辰閏四月

寂寂芳樹下融融草露晞幽陽出繫表金波穆微微據  
隱崎士挾瑟招靈斐遠自剡門道來欣窮海歸倦跡養疲  
茶枯坐臨風碕遺榮澹自足繕性得所依天空淨無翳何  
假華燭輝徒懷燕雀安焉恤龍虵飢還就蕭齋卧憇然忘  
世機

擬豔歌

湖上女兒彈箜篌湖中蓮瓣彫紅秋間歡昨夜不可渡風



吹白浪更迴舟

垂楊踈地青可憐不見樓臺只見烟明月纖纖兩頭缺今夜知照阿誰邊

效孟東野

抽思日復夕夕露稍見侵彼美千里道碧樹杳深沈芳榭斷行迹鳴禽多離音禽樹皆相似中有他鄉心所思在何許乃在大海南青鏡闇不治晦明亮難任晦明應其之姿形隔予襟誓欲往相從道路苦崎嶇修身各努力何用遺

華簪

又

海國正佳節炎天誰和之故知在何許新知尙然疑離離  
蒲與艾青青插門楣出門聽吳語飲水乞吳兒吳兒解我  
心蕩槩從所之所之多歧路延緣葦間移翠女雅頭鞮城  
南張水嬰凝妝照靚水舞袖迴芳卮吳儂好眉嫵未若遠  
山奇故山暉且麗脈脈夢中思佳人勿浪語久與故山期

又

駕言登城望別離如昨日樹木相虧蔽有來不能疾卷彼  
衾與稠桃笙安弱質風雨有時寒念之復相恤君亮爲磐  
石艱難勿浪出妾如水中蒲翻翻念靈匹循除復下降惻  
愴不可述芳草生玉階蛛絲塵瑤瑟猶傷妾人意贈行徒

言十一  
密密密密亦何爲寒谷待鳴律

書寶山蔣劔人集後

東海禿翁喜言事以席裹尸立無地夜深不差虵作龍大  
冶躍出蒼精銅鑄爲蕃劔氣騰上吳鴻扈稽飛著胸猶聞

少時挾策游曾干撫部侯官公

蔣少爲僧復去還俗粵東  
燒烟案起嘗上書干謁

侯桂林公

言兵事 公來一尉東南屯黔夫羅祭夷無人公去魚羊

食人肉趙蔥代將成數劔公生公死係安危劔也東求蒼

海哭哭公星霄枕椰林爲虺勿腊何毒淫武昌魚爛石頭

踞磨牙爽竄戈鋌森劔也蒲伏瘴海陰胡不與彼木石同

陽瘡猶爲周舍日諤諤强聒大府涕橫襟劔也削迹傷其

心江上駟虞旛天回一甲子月支好頭顱何時漆爲器劍也張目未快意一蛇四蛇異位寘海風吹墮幽州雲光氣夜燭雲閒文黃鷄白酒徑醉汝劍也地下何當聞

蔣君自稱江東

老劍

聽同年生錢蔚也彈天問之操

動搖海碧蕩微月神女蹋波鍊金骨飄然自著六銖衣升降長烟奏天闕夜分潭洞絕行人呵壁荒唐事豈眞問君海上濤何氣併入朱絲一損神

靈均千年子厚去無病呻吟意何遽森森老竹古牆下槭槭風梢作人語漢家郊祀遲君歌一變騷辨陳猗那天龍

人鬼紛來下九扇天關蒸太和

鄧完白山人石交圖

被衣友鬻缺老聃師常縱謂虛已遊世行莫貴乎中晚得  
梅與鄧谷音亮難雙行合禽向侶執追冰斯蹤兩作湛虛  
明兼山闕謙沖名美義相貫字孳文適通鄧字石如梅字  
石居二石相與  
為迹往事如昨傷時三釁訂瑋碧互璀璨資礧礧相  
望百年內有字光始終

既秋霜露積疏峰抗高閣一尺生綃春千言懸解索仙經  
險胎化峭蒨樹石錯何以永今朝空濛媚淖約御風羣埃  
息相與翔寥廓道真栖溟滓宰游廣莫同明照終朝念

哉期盍各

登西林寺塔

在婁縣

虛牝生齒萃淞南表孤尊理因象教羃制以宰波新清秋  
獨行游飛閣麗郊闔厯棧旣苕帶援階復嶙峋陰樞或斗  
上陽榭亦卻循枝撐洞轆轤躩絕厓垠近延夕月闌遠  
納朝日瞰邱夷淵遂實川涸谷多堙宿雲下方落孤聳削  
昆崙每每佳麗地嘈嘈清吹塵晚稻平野秀早霞石梁屯  
歲穰信可喜俗儉易稱仁道夷履不渝情蹇遇乃辛嗇神  
誠有術儒效豈華身

信美名都會日寒華亭景羽人來介邱白后淘潔并感往

事如昨度來思多，  
眚衛生櫻世羅，  
貢高味道縵龍悔，  
義所郵魚貫慮罷，  
騁飯璧華丹朱草，  
樹濯蕘穎高明媒，  
眾指剛強折前猛，  
小人婁以乘君子危，  
自省秦巡嬴政覆，  
吳侈闔閭泯武城，  
非遺基吳王闔閭作南武城于此以伺越衅，  
馳道甯夙軫在婁西北賈山，  
至言秦皇馳道徧天下，  
南極吳楚此其一矣，  
河山忽已改，  
刹宇代空永，  
何如謝糾纏，  
冷然返虛靜。

陸士衡故宅

今爲寺在谷陽門內

信宿遵枉渚，  
質明期所適，  
趨新志逾營，  
馳異欣屢獲，  
言尋婁侯封，  
遜抗煒在昔，  
靈根茁華穎，  
二陸更仕籍，  
焉知華亭嗾，  
違念河橋客，  
舊山沿襲名，  
新池荒故宅，  
枯條檝株枸，  
或

云手植迹門基爲道場逝者無遺鳥居人昧其始朱義幾  
由白舍歡易多舒厲戚難可憐五漿雖見饋高秋畏奔迫  
發雲間晚泊宕口

出郭自茲遙景物迷所在方舟揚增波陽景簸明晦陂陀  
紆復直村墟襍蔥蕨歸潮噏天倪驚浪張地肺東去觀滄  
海百靈走其內鱗鬣爲風雨二儀相嬗代太易習凝合孤  
舟此茫昧

訪虛谷上人不值

臧穀失所牧由來轍仍同儒亡彼藏蠹何以見真風鑿虛  
行則實心亨遇轉窮道人繕性熟寒栖一畦菘目牛冥全



象食豨並匪躬微明在獨智開俗祛羣蒙願聞無生義亦  
云不離宗

卧疴耽幽獨眎聽仍廣濼元關闔幽捷朗景局懸象西北  
出天駟東南采英蕩伐材何用掣繫足安可放白露洗孤  
清金天颯精爽形移始藏機聲動每扃響念念脩身切聲  
形畏濁枉內觀返地文外游測天壤一驅六鑿去根器吾  
亦儻

此庵何年築一粟城西隅懸知寺前木霜衣欲脫無紆曲  
循微徑雀鼠厭空厨卽事如已遠神晞情不疏廣陳綬道  
論遐鏡倆世模寒潭雲光淨高齋秋氣虛來覓相慕悅紆

豫積羈孤何當一迴駕予亦赤華居

游南園獨酌菊花下至暮始歸精舍

靈境出意匠漸臺似神構步履適然來把此深澤秀花葉  
何娟靚金精動高宿幽深泣夕露煒奕闕空晝歲晏將期  
樂餐彼元氣壽瘖瘖爲樹石支離絕美話向來園中人經  
新復爲舊命鑄壺已空銜情自稱侑日入遄塗反勞生苦  
多謬雲月相陵蝕天地終高厚竭來從元謀精思梵在疚  
南匯沈村有少男少女遇兵相殉以死者村之父老

來求詩

海水橫飛傷往昔雲間佚事近知聞聖周雲護中殤嬰磬

郢霜封少女墳鳥憶頻伽真其命香分迷迭替交熏千年  
黃土燒成篆重次廬江小吏文

吳郡王節母家戒題後

昔在魯敬姜作善貴民勞東陽勗令史暴名義所逃晚操  
金管書高節晞蹈景復得名族嬪遺言識要領閭門何峨  
峨爽塏居屢徙種松當門前淘井在門裏井寒石齒齒用  
汲仁其鄰松已如兒長柯葉無冬春含光辟世詬救兒崇  
令名令名良不脛鄉貢垂賢聲善言資齋心善藥資苦口  
孟進前修勞墨發來葉守襄旌得璽書聞者鏡禮宗銘題  
媿詞竭煌煌紫泥重

送高伯平先生游淮上

君子出閩海，栖栖甘旅人。暫得立門前，未敢闕椎輪。去年  
僑精舍，枉訪橫湖濱。不呼結鞵趨，乃獲負劒親。木脫山石  
赭，藻涸游鯨馴。登揆上危閣，病歎風雷呻。稍定坐磐折，罷  
枝解衣巾。法言間諧笑，左顧敕烹尊。酒半孤山嶼，薄烟起  
荒榛。時流其排媚，欲以俗妨真。喘如竹筒吹，狗曲相斷斷。  
先生一笑寘，正容坐消髡。虬撼久乃卻，羶附漸歸仁。撻雲  
朝觀化，撥火夜燃薪。飴我流與酪，橄我籛與筩。素抱非近  
武，衣被必先民。龜山倘可伐，禮樂听焉新。不察邱山大焉  
知，邱山尊日月。未云幾索居，稽與秦扁舟。指淮東老作蘭

陵荀黃落秋已晚野風吹碧濤暫爲汗漫游久厭諸侯賓  
東城席未暝反厓戀彌勤迴帆待德諭期以桐芭春

讀袁康沙船歎歌以贈之

少府鍊丹沙上林殫白鹿列州歲儉多流亡平準開場利  
源蹙互市雖云便大東斂杼柚苛稅等牛毛疲氓瘠生肉  
張旗千賈胡伐木造舸艫篙工柁師卧江沙海禁久弛吞  
聲哭再拜爰生詩吾輩飽飯徒錄錄

以下述  
原作

吳淞江碧打

水開吳淞江白春潮來長年三老看風色欲語不語先歎  
息自言生長崇明沙狎海如陸船爲家水程記別茶山樹  
萬里海天指鉞路落颿遠見之采嶼移碇又過牛莊道一

朝權喜返重洋山海之利歸壓裝歸來分寶妻帑喜打鼓  
迎神謹利市南北風濤秋復春海舶何年來火輪青銅舳  
艫銜尾起烟突如山日千里從此沙船生事微篙工零落  
各東西沙船一半沙中卧檣折篷穿船腹破去年斥棄漉  
鹽田略邀火半來修船漕運捉將官裏去官程又數天津  
路原作止此  
稍刪潤君爲沙船行語我神先驚近聞冷官造大船  
射利欲與天驕爭海縣飢民面如鵠春種家家賣黃犢

偶述

海國衣文蛇儒生戴章父所之既殊方信陋非吾土朔風  
吹霰雪霏霏集檐宇出門何所適摧積困羈羽雖乏歲寒

姿豈無不龜具危根豐其枝浮榮多內懼  
壘壘抱微明期以十駕取

末學辯所生溺聞一何畫矜已排前規  
伐異張矛戟六籍恣鈇析百氏皆擯斥  
論甘乃忌辛誣朱忽成碧大道非私器  
纂敘啟眾策何況文奸言削趾求履迹  
至人巢昆侖庶來慰昕夕

題同縣王文

永錫

桐江舊隱圖

留滯雲間得遇君因依索句在臨分  
前生食肉頭陀拙休覩羊家素練羣

少時曾作樓中客插架牙籤萬卷齊  
慘綠衣香非往日讀

書尙未識撐犁

爲記清談勝集時江南張北夾清池

謂江退谷張桐翻兩丈

樓前少

畫紅薇榭已漫諸公壁上詩

滬城那有三山塔沙岸難如九里洲洲上春來花似海客  
中辛苦憶前游

老屋前榮束筍書被兵無復一編餘猶應手買頻離校莫  
袒支床飽白魚

鹿溪張節母古井盟心圖

井已無闌石井桐花幾開此心如槁木不待築清臺

滬上竹枝詞



沈碑迴向赤烏年移利祥符事偶然善眩軒人何逼處不

知平陸幾爲淵

吳赤烏碑舊在宋祥符初所建靜安寺中嘉定末隨寺沒入江水

權吏樓頭試一臨樓船虧蔽列如林何當刺取石魚脇

之

干山有泉一泓中浮石如魚掬水可治目疾

洗眼明予萬里心

城上風雲蕩夕曛築邪長憶故將軍春來碧草痕如舊牧

放胡奴羝一羣

瘡海水紋何澹澹蟹窗螺屋倚嬋娟歡似茶山望不見妾

如小海心洄漩

何年通市漏卮初舉國商疲敵有餘火布晶梓皆貴直竹

筇筍醬總難如

估胡遠自條支至羊脚頻聞熟幾迴射利圍場挾鞞走紅  
絲窳地駕龍媒